

مجموعه ابو الخیر

ماسوا شایسته شدن دلی تطهیر و چاش
پرتو حکمت و عرفان ایله تنویر آتش

هر ماه عربی ابتدا سیله اون بشنده نشر اولور قون مجموعه سیدر

جزء ۳۷ [فی غرة محرم سنة ۱۳۰۲] [نسخہ ۳ غروہ]

شایان اسف اولان شو محاربه ده تلفاتمز شبهه سز کلیتی بولنخس ایسه ده
ظن و مبالغه ایدلدیکی درجه ده دخی دکلر . ویستول نهرینی کذار ایدن
درت بوز بیک کشینک نصفی آوستریا و پروسیا و ساقسونیالی و لهستان و باویرا
و و برتبرغ و باد و هس و ویستفالی و مکلنبورغ و اسپانیا و ایتالیا و ناپولی
خلقندن مرکب ایدی . اصل اردونک که بالذات بنم معتمده ایدی، برثلئی
فلنک، بلجیقا، و (رین) نهری سکنه سیله (بیه مونتا) و اسویجره و جنوا
و طوسقانه و روما و اوتوز ایکنجی فرقه عسکریه منسوب ایالات ایله (بیرم)
و (هامبورغ) اهالیسندن ایدی . بناء علیه اردوده فرانسرجه سویلر
آنجق یوز قرق بیک نفر موجود بولنیوردی . روسیه محاربه سنده فرانسه
نهایه النهایه الی بیک تلفات ویردیکی حالده روسیه اردوسی موسقوده دن
(اودر) ه کیدرکن شدت شتایه طوتیلهرق ویلنایه مواصلتنده الی بیک
کشییه تنزل ایتمش و قالیشه وصولنده اون سکر بیک نفر دن عبارت قالمش
ایدی . بوحسابجه روسیه نك دوچار اولدینی ضایعات فرانسه نك ضایعات
عسکریه سندن آلتی قات زیاده ایدی .

احتمال که مفرداته متعلق اولان شو افاداتم بروقت اولوبده نشر
اولنورسه اصحاب مطالعه یه غریب کورینه بیلسون . فقط بوسوزلرمی فرا .
نسه نك خزائن اوراقی هر دقیقه ده اثباته حاضر و اوراده کی قیودی ایسه
ناموس عسکری متکفل اولدیفندن تغیر و افسادی ناقابلر .

فقرات تاریخیه

عثمانلیلر میاننده تمیور باش دیه مشهور اولان ایسوهچ قرالی اون
ایکنجی شارل برکون پک زیاده مست اولدینی صهرده والده سته ایفاسی
لازم کلان حرمته بدل محل رعایت حرکتده بولنور . والده سی مشار الیهک

بومعامله سندن فوق الغایه مکدر اولغاه دائره سنه چکیله رک اوج درت کون
طیشاری چیقیز .
شارل والده سنک سبب احتجانی مراق ایله قرناسندن استفسار
و حقیقت حاله اطلاع ایلد کده در حال انه برقدح شراب الهرق والده سنک
نزدینه شتاب ایدر و دیر که :
« مادام ! سرخوشلق ایله سزه لازم کلان احترامده قصور ایتش
اولدیفی خبر آلدیم . سزدن استدعای عفو کدم . بردها سرخوش اولماق
اوزره بوقدحی دخی سزک محترمه ایچیورم . عمرمه ایجه حکم اک صوک
قدح بودر . »
فی الحقیقه مشار الیه اوکوندن وفاتنه قدر بردها هیچ بروسيله ایله
آغزینه برقطره شراب قویماشدر .
اون دردنجی لوئیک وفاتندن صکره راهب سن . پیترک فرانسه
انجمن دانشنه انتخابی تکلیف اولنمشیدی . سن پیتر ایه و قتیله اون دردنجی
لوئی علمنده پک چوق شیر یازمش اولدیغندن پرنساردن بری مومی الیهک
انجمن دانشه انتخابی خاندان حکمداری بی تحقیره حمل ایله انتخابی منع
ایچون لندن کلان اقتداری صرف ایدر و نهایت موفق اولور .

برقاج کون صکره پرنس ، مشهور [فونته نل] ایله اثنای مصاحبتنده
« سن پیترک انتخابی اجرا اولدیفی صرده اعضادن بری رای قبول و یرمش .
بوده غالباً راهب (دو داتزو) اولمی در . » دیدیکنده ، فونته نل - خیر اقدم !
تخمینکرده اصابت ایدمه ماشسکر اورائی و یرن بنده کر ایدم - دیمش .
و پرنس ایه جواباً - پک اعلا ! اعضا ذاتاً اعطای رأیده سربست
ایدی . یالکر سز اوته کیلردن زیاده جسور ایشسکر ! قولیله مقابله ایشسدر .

اون بشنجی لوئی زماننده پولیس نظارتنده بولمیش اولان مشهور (سارین) دیر ایش که - تیاترولرک قبالی بولندینی اوج هفته ائناسنده دائماً قره قولره تقویت و یرمکه مجبور اولوردم .

فرانسه ده یدنجی شارل زماننده هرکس صوفدن منسوج کوملک اکتسا ایدر ایدی . یالکر قرالچده پاموقدن معمول ایکی کوملک اوله رق اوده تریناندن عد اولتور ایدی .

پروسیا قرالی بیوک فرهدریقک وفاتنده ترک الیدیکی البسه سی آنجق ایکی یوز فرانق قیمتده ایش . صندوقده یالکر اوج قات البسه سی ظهور ایدرک بونلردن بریسی بیوک اونفورمه سی ایدی که مدت عمرنده ۳ دفعه کیش ایدی .

دیگر ایکی قاتی اودرجه لرده پیرایوب کهنه لشمش ایدی که قرالک آنلری کیش اولدیغنه کورنلرک اینانه جتی کمز ایدی . شابقه لری، چزمه لری وکوملک ومنديل قیلندن اولان چاشیرلری البسه سیله متناسب برحالده ایدی . حتی مشهوردرکه برکون کبرای اجنبیه دن بریسی پوتسدامده کی سانسوسی سرانی کردیکی صروده دائره مدیردن « قرالک البسه اوطه سی نره ده در ؟ » دیه سؤال ایلدیکنده مدیر مومی الیه جواباً « قرالک صرته در ! » دیمشدر .

روسیه ایمپراطور یچه سی (الیزابت) ک البسه اوطه سندده ۸۷۰۰ قات البسه و ۱۵۰۰ کجه لک کوملکی موجود ایدی .

اوروپانک مشهور آقتورلردن (مه کن) اویون ائناسنده تیاتروده

اكتسا ايمك ايجون ياپديريني متنوع البسيه يوز الى بيك فراق صرف
ايمشدر . حين وفاتنده بوقدر اثواب نهايت ۶۰۰۰ فراقه صاتمشددر .

مطالعات حكيمه

انسان آخرك اوغرا ديني بايات وچكديكي اضطراباتي جدا نظر تقدير
وملاحظه آله حق اولسه كندی فلا كتندن اصلا شكایت اتمز ایدی .

لياقت سایه سنده قزانیلان دوستار ثروت سایه سنده قزانیلان دوستاره
مرجحددر . چونكه ثروت اكثر يا ضایع اولور . لیاقت ایسه ضیاعدن مصون
اولدیغندن اوسایه ده قزانیلان دوستار دخی ابدیدر .

نسوانده سومك وسوئيك آرزوسندن اول بكنك آرزوسی
تولد ایدر .

حرص وطمع قابی استیلا ایلدیمی . حسیات سائره یی کافه احناق
ایدر . اوسوزه باشلادیمی طبیعت فاضله سکوته مجبور اولور .

اکثریا عشقندن حرص شهوانی یه کچیله بیلیر ایسه ده شهوتدن عشقه
انتقال قابل اولمز .

فلاکت وادبار حرص وطمعی تأخیر ایده بیلیر ایسه ده اصلا
اطفا ایده مز .

عشق استقبالسز برحاله مالكدن .
 —————

عشق قورقويه بكرر انسانی محالاته بيله اينانديرر .

عشقك غداسی خوليدار . اكر خوليايه براز فاصله ويريله جك
 اولسه عشق كسب ضعف ايدر . خوليا ترك ايدلسه عشقده وفات ايلر .

ادبسرلك دهانه كليد اورلق لازم كلسه ایدی اصحاب صنایع
 میاننده چلینکیرلر ثروتلریله کسب اشتہار ایدرلر ایدی . ابوانضیا

جاسوسده ناموس تصور ایتک اصحاب ناموسدن جاسوس آرامغه بكرر .

————— کذا

بزه كوره تحف اعلانر

—————

اوروپا غزته لرینك اعلان صحیفه لرنده او قدر تحف تشہیرلرہ تصادف
 ایدیلرکہ بزم ایچون غریب عد اولنغه شایاندر .

اوراق حوادثده مقلد ہمز غریبون اولدینی جهتله اعلاناتده دخی
 آنلری تقلید ایتمش اولدینمز محتاج ایضاح دکلدر . فقط اکثر خصوصاتده
 اولدینی کبی تجدد پسندلکدن زیاده موجود پسندلکه مائل اولدینمزدن
 ولو تقلید طریقله اولسون قبول ایتدیکمز شیرلی بولندقلری حال اوزره
 محافظه ثبات کوسترمکده یز . بوسیله مثلا ایجاره ویریه جک ویا صاتیله .
 جق برخانه اعلائی بوندن اوتوز سنه اول نه یولده یازمقده ایسه ک بو کون
 دخی اویولده یازارز . حتی حجت یازمقده صگی محافظه ایدن برمحکمہ